

1606 37. *Paris 1712.*

747

LE

THRONE

SACRE'-SAINCT

DE LA IVSTICE

ANTIQUE. 14.



TRAICTE

Auquel est monstré le moyen
prompt de faire Iustice li-
beralement & sans frais.



M. D. C. VI.

THE NEWBERRY
LIBRARY

14


Case
F

39

326

1606t

Je restabliray tes Juges tels qu'ils ont
esté a la premiere fois, & tes Conseil-
lers tels que du commencement: apres
cela on t'appellera, Cité de Justice, vil-
le Loyale. Esaie chap. i.



AV ROY.

S I R E,

Puisque les siècles sur ce declin
degenerent à pas si legers & q
le monde va toujours a l'empire: il
ne faut s'estonner si la vertu estant
peu reconueë, les esprits plus mœurs
se descouragēt & fuyent le manie-
ment des affaires publiques, ne vo-
yans pas mesme la voye ouuerte
pour y atteindre honnestement, nē
le moyen de s'y employer que mal-
aisément, avec mains pures & in-
nocentes ; Et ainsi on voit tant de
vieux Catons & sages se retirer de
vos Cours Souueraines, lors que
plus ils y pourroyent servir, & ainsi
des autres inferieures. Ce malest,

general en tout ce corps, & est tellement cōtagieux qu'à peine se voit-il plus rien en l'Estat, tant soit-il sainct & sacré, qui ne soit venal.

A la verité cette playe n'a pas esté faite de par vous, elle est de ceux qui vous ont precedé: Mais aussi sera ce vostre gloire & hōneur tout entier d'y remedier; la necessité le requiert; Ceste grāde & paternelle affection que vous portez à vos Subiects, pour lesquels sauuer de ruine, vous avez bien tant de fois hazardé vostre vie; vous conuie & coniuire d'y entendre & pourvoir: Et sās doute, vous employrez pour eux aisémēt tout vostre soin & vigilance à ce necessaires puisq^e vous ne leur avez espargné vostre vie: Et i'entend que cest aussi le poinct ou vostre Maiesté a present bande plus son bel esprit. Il ne faut pas
croire

croire que tant de milliers d'hommes aspirans aujourdhui aux Estats & charges publiques, soyent poussez de mesme affectiō que Themistocles, lors que transporté de grand zele au bien de sa patrie il acheta les vœux de plusieurs d'entre le peuple, afin de faire rebuter de la charge generale de l'armée d'Athenes (qui deuoit combattre le grand Roy de Perse) un Epycides homme lasche de cœur & corruptible par argent. C'estoit des lors vne rare vertu, qui aussi est fort rare en ce temps, ou l'on achete librement en gros, pour reuendre en detail: Et ne faut croire que la voye aux vices ne soit publiquement ouuerte, quand ce qui se doit acquerir par la vertu, se brigue par argent: Je parle principalement ici des Estats de Iudicature: Mais il se pourra com-

modément estendre sur toutes les
belles charges & fonctions publi-
ques. Et Dieu me doint la grace
d'en parler, non tant avec liberté
qu'avec discretion, prudence & ve-
rité. Sans doute vostre Estat me-
nace ruine, si par bon & prompt re-
mede il n'y est pourueu; Sa cadu-
cité est grande par son grand aage,
et y ayant aucun Estat si puissant au
monde qui ait atteint le siecle d'en-
tre onze & douze, qui est presque le
point fatal des plus grands Estats;
Comme s'est veu en celui de Rome &
de Constantinoble & autres: Et ce-
le ne m'estonne point tant que la
caducité procedante de la manuai-
se habitude & cacochymie de son
corps. Vous en estes le medecin plus
propre & plus idoine, apres Dieu,
qui vous a appellé & colloqué à cet-
te grande charge pour le restaurer
& pou

Et pour ressembler en cela, les medecins fideles, qui n'abandonnēt le malade aussi longtemps qu'ils y voyent espoir & moyen de guerison; mesmement lors qu'ils ont beaucoup acheminé la conualescence, comme vous avez fait par tant de soin & de peine, Sire, Vous estes celui qui avez cest honneur d'auoir besongné heureusement avec Dieu, en ce grand ceuvre du reſtabliſſement de la France, atterrée & abbatue: C'est par vostre entremise & vertue qu'elle est releuée du tombeau: Dieu en ceste partie vous a departi vn grand honneur; chacun le ſçait & le publie: Ne negligez pas ce qui reſte en ceste beſongne. Seroit ce aſſez qu'un medecin eut remis ſus quelque malade, s'il n'obuiroit à la recidive par la preſcription d'un bon regime? Ce n'est pas moins

àre honneur de conseruer, que d'ac-
querir. Ayez humainement la
gloire toute entiere de restaurateur
pour long temps; Et comment l'au-
rez vous si l'Estat ne subsiste lon-
guement? Et comment subsistera-il
s'il n'est pourueu aux remedes que
requiert l'indisposition de telle ou
telle partie vitale: Et y-a-il par-
tie plus vitale au corps de vostre
Estat que la Iustice? Et y a-il rien
si difforme & si corrompu en ce corps
que l'Estat de Iustice: Encore est-
ce chose notable sur tout, que la Iu-
stice ne peut māquer qu'avec lesion,
interest & offense de la pieté; ni la
pieté estre trauaillée & persecutée
sans violement de Iustice. tant ces
deux colonnes de l'Estat conspirent
amiablement ensemble, tant elles
s'entretiennent volontiers. Vous
auez veu quelles conuulsions à sen-
ti ce

Si ce corps es'assauts donnez à la pieté
par l'iniustice en maintes années;
Les symptomes effroyables ne nous
menassoient que d'une crise mor-
telle: En fin nonobstant l'effort de
l'heresie, la pieté & l'Eglise Catho-
lique est demeuree & demeurera
saine & sauue iusques a tant que
les Anges moissonneurs arriuent
pour separer la zyzanie du bon
grain: Le Sauueur du monde nous
auoit dicté ceste similitude pour l'é-
saiure: & ces trois grands de l'E-
urope qui par faute d'y entendre ont
couru la fortune de Kuboames Ro-
yaumes de Suede, de Hongrie, &
Pays de Hollande, nous jont enco-
res plus sages, apres nostre dāger &
grand coust. Que s'il nous falloit
porter encore autant de rudes se-
couffes pour tenir ferme le pilier de
Iustice, comme pour celui de la pie-

té: il ne resteroit plus rien d'entier
dedans ce pource vaisseau: Il fan-
droit perir & couler a fond sous le
fort de l'orage: Brefle deplorable,
hideus & miserable estat de la Ju-
stice en ce Royaume, requiert tota-
lement que V. M. y mette la main
à bon escient pour y pourvoir: Et cet
en ce repos que Dieu vous a donné
que telle chose se doit & se peut fai-
re, sans attendre que quelque tour-
mente nouvelle arrive: Ainsi que
les Mariniers pouruoient, pendant
le calme, à radoubier leur vaisseau:
Attendu mesme que le nom de paix
(comme disoit Platon) semble pres-
que vain en tout Estat; par ce que
toujours, ou les guerres intestines
dedans, ou les estrangeres l'attaquent
par le dehors. Et Dieu merci les re-
medes ne manquent; il cōvient seu-
lemēt les choisir par prudence sans
dila-

dilayer; Cest vostre plus grand hō-
neur, Sire; Les louanges qui vous
reuiennent de Iustice & de Tempe-
rance, sont vostres toutes entieres:
En lieu que les gendarmes ont part
à vos victoires: Et pourquoy au-
riez vous moins de vigueur en
fait de Iustice, qu'en fait d'Armes?
Souuenez vous que Dieu vous a
fait le premier plus redouté & plus
eminent Roy des peuples baptisez
en son nom; Roy de tres-grande li-
berté, & qui n'auex & ne deuez a-
voir que la Loy de Dieu pour regle
& compas de volonté: Voire, sou-
uenez-vous que pourtant par pre-
rogatiue d'honneur l'Escusson &
baniere de fleur de lys vous est pres-
tee: Fleur à la verité terrestre, mais
reseruée neantmoins à la Diuinité
par droit tres special, cōme dit Es-
dras, li. 4. c. 5. C'est pour cela, di-

ie, afin que militant sous la ban-
niere de Dieu & nō pas des hōmes,
vous vous etudiez à etablir le re-
gne de Iustice, q̄ est le regne de Dieu
& qu'ainsi faisāt vostre prosperité
redouble, & se prouigne en vostre
posterité? C'est pourquoy aussi i'ay
estimé de uoir prendre la hardiesse
de vous tracer legerement ce petit
discours, concernant le moyen & la
necessité presente de pourvoir à la
Iustice en vostre Royaume: afin d'ex-
citer les bons esprits à mieux faire;
pendāt que aussi de ma part ie me-
diterai dauātage sur le même suiet.

Ce que ie prie tres humblement V.M.
d'auoir pour agreable, & comme af-
faire digne totalement de l'occupatiō
de sa grandeur: Et cōme petit ouura-
ge partant de la main de celuy qui est
& sera pour iamais de V.M.

Le tres-humble Subiet & tres-fidele
seruiteur, C.B.A.



L E

THROSE

SACRE-SAINCT,

De la Iustice Antique.

SI la tache & macule du
corps est en la plus belle &
plus eminente partie, la
deformité en est plus notable;
Ainsi est-il du defaut es par-
ties plus belles d'un Estat.
Voila d'ou vient que chacun
crie & se plaint lors qu'il y a
manquement de Iustice; at-
tendu que sans icelle (tant el-
le est vtile & necessaire) nous
ne pouuons subsister & viure.

A

& que ceux-là mesme qui se
paissent en complots de ma-
lefices ne peuuent pas tant
soit peu subsister sans l'ombre
du corps d'icelle.

C'est donc oster le Soleil
du monde, que d'en oster la
Iustice: Et pourtant quand les
Poëtes nous racontent com-
me les vertus en troupes re-
uoloient au ciel apres la cor-
ruption de l'homme & du sie-
cle d'or; ils disent que l'hon-
neur & charge de faire la re-
traite fut donnée à la Iustice,
comme a celle dont moins
on se peut passer.

*Vltima cœlicolum terras Af-
traa reliquit*

Cela se verifie par l'estat des
grandes Monarchies, Royau-
mes

mes & Empires, modernes & anciens, tât ciuilez que barbares, qui ont subsisté & subsistent par administration de Iustice, meismes sans cognoissance de Dieu & de sa verité.

Cest donc vn grand presage de ruine en vn Estat quand il y a grand deuoyement de la Iustice : Car ainsi ne se peut il faire que les deux liens de toute bonne Republique, la recompense & la peine n'y soyent fort affoiblis, veu qu'ils dependent de ce bel establissement de droicteure ; pour laquelle les Princes & Rois ont esté ordonnez aux peuples, ainsi que disoit Hesiodé.

*A ceste fin les Rois ont esté establis
Pour rendre droict au peuple & punir les delictz.*

A 2

Si que nous pouuons a bon droit nous escrire ainsi avec S. Augustin; Que sont les Royaumes & Empires sinõ grãd brigandages, si vous en ostez la Iustice & les reduisez à ce poinct miserable dont prophétise Esdras, disant; Vne region interroguera l'autre region, disant; la iustice est elle point passée par deuers toy? & elle dira, Non. Cest pourquoy la louange & célébrité plus grande d'un Prince & d'un Estat depend principalement de la Iustice, comme leur ruine infaillible depend du contraire. Aussi est-il dit, que Dieu differra de raclez & destruire les Cananeens iusques a tant qu'ils eurent entiere-

tierement rompu les renes de iustice & comblé la mesure de leurs iniquitez, pour lesquelles en fin ils furent exterminéz, & que n'eust esté ceste attente Abraham des son viuât eut esté mis en possession de ce pays de promesse.

Or sommes-nous de mesme paste, le plasinateur des hommes requiert de nous a bon-droict ce qu'il requeroit d'iceux, & nous courons dorénavant a si grand abandon d'iniustice, q^l nous faut craindre semblable traitement, si le remede ny est apporté par le beau reestablissement de iustice au milieu de nous: Mais comment se pourra-il: combien de fois les Estats de la

France ont ils ia touché ceste corde? quel progres y auons nous veu? point du tout, si qu'il semble qu'il ne reste plus que le cri funebre sur l'enterrement de ce corps desesperé.

Et quoy? telles celebres assemblées n'ont elles peu y donner & apporter conseil suffisant? l'ont elles point fait? y a-il esté pourueu? Je m'érapporte a ce qu'on en voit & me submets a porter la peine de temerité si ie ne dis vray: Quand ie crie que tout va de mal en pis, & qu'il nous faut doresnauant redouter la dissipation de l'assemblage de ce puissant & antique edifice qui a atteint si grand nombre de siecles, que voyant sa corruption.

ption iointe a son aage, i'en fremis de peur & la sueur m'e monte au visage: Car estant François i'aime cordialemēt mon pays & pourtant ie recherche & medite le moyen cōuenable de tel reſtabliſſemēt.

Chacun dira incontinent que ſi ie dis qu'il faut cōdamner & oſter, comme vermoulure de la France, la venalité des Eſtats, & que ainſi tout ira droict: Que cela a eſté ſouuēt conclu & arreſté & n'en reſte que la pratique & vſage, ſi que tout mon diſcours ſera trouué vain. Ie lui reſpondray qu'a la verité, ie veux monter par ce degré au feſte de ce bel edifice; mais que ceſt grand abus de penſer que la prohibi-

tion de telle venalité puisse
suffire a ce reſtaſſement:
Voire i'ose biẽ dire que ſi cela
fait eu peu ſuſſire, il y a maintes
années qu'il fut executé & n'e
eut point tãt tardé l'executiõ.

Mais quand cela ſera fait, ſi
faudra-il que les Iuges ſe def-
frayent dépices; Et q̃ ſera cela
ſinon retourner touſiours au
logement du mal que nous
voulõs faire ſortir? Il faut dõc
atteindre a quelque point pl⁹
ſublime pour auoir prouiſion
ſuffiſante a ce mal.

Et il y a moyen dira quel-
qu'un de pouruoir a ce que
les Iuges ſoyent honneſte-
ment ſtipendiez du public &
lors la vertu aura lieu par la
recommandation de ſoi meſ-
me qui

me qui poussera aux Estats
seulement les hommes de
merite & en forclorra les in-
dignes.

Et la recommandation des
hommes de merite se fera ai-
sément ; Car és iours solen-
nels de l'année, mesmement
le iour ou veille de Pasque cha-
cun du peuple estant a ce fai-
re astraint par mulctes & amē-
des & adiuré solennellement
d'apporter & mettre dedans
le tronc, pour ce faire establi
en l'Eglise principale de tout
vn Bailliage (car cest par là q̃
ie voudroye commencer) le
nom de celui ou de ceux qu'il
croit estre plus suffisant en ca-
pacité d'esprit , doctrine &
probité ; le fera avec quelque

crainte & respect du serment,
 & il escrira tel nom de sa main
 ou le fera escrire & soufigner
 par vn Notaire qui l'attestera:
 Et le Censeur qui sera establi
 & pris du corps & de la No-
 blesse en chacun des grands
 gouuernemens du Royaume
 pour le terme de cinq ans, re-
 cueillira ces bulletins & en fe-
 ra rapport fidele tous les ans
 au Conseil du Roy & à Mon-
 sieur le Chancelier, pour en
 faire registre, auquel seul on
 aura recours ordinaire pour
 les prouisions Annales, Bien-
 nales, Triennales ou perpe-
 tuelles, selon qu'il sera aduisé
 & trouué meilleur.

Tel Gentil-homme qui sera
 choisi homme d'integrité &
 de mo-

de moyens, assisté de tel homme de Droiçt qu'il voudra choisir, n'auroit pas peu d'honneur en sa Prouince & seroit fort ioyeux de seruir Dieu, s^{on} Roy & sa patrie en si notable affaire; attendu mesme qu'il seruiroit d'Esgard, tât sur tous les Iuges, que sur tous autres hommes de quelque estat & condition qu'ils fussent en la mesme prouince, avec grand contentement du public.

Le m'estudie a breueté tant que ie puis en ce discours, afin qu'il puisse, sans degoust, paruenir à la veuë des esprits plus polis & plus curieux de la vertu: Et me fais croire que tout ce que dessus, quoy que assez important, pourroit estre ai-

fément trouué & mis en auât.

Mais il faut passer outre & trouuer vn bon moyen & facile de stipendier honnestement ces gēs vertueux & mettables que l'on voudra choisir & employer au seruice public; car nul ne voudra destituer sa famille pour s'employer iournellement le matin & le soir, sans gages, à la distribution de Iustice, & ce moyē sera louable, s'il est prompt & facile, fondé en droit & raison & sans foule d'aucun: Ce qui semble estre du tout malaisé ou bien impossible.

Sur cela ie diray premiere-
ment qu'encores que le peuple soit fort chargé de gabelles, tailles & imposts; si est il
eccr-

certain que si les susdits gages estoient encore pris sur le commun, & employé songneusement a si bon vsage & si bien réglé; chacun diroit que ce seroit chose louable & tolerable & qui tourneroit infailliblement au soulagement de tous hommes qui aiment autant dorefnauant entrer en duel & perdre la vie qu'entrer en plaids & procez.

Mais voyons si d'ailleurs il se pourroit point faire quelq ouerture moins onereuse au peuple, assés foulé par les orages des guerres dernieres & consequemment plus louable & moins preiudiciable au fond des coffres de sa Maiesté qui a besoin que ce qui se met

en auant ne charge le peuple
& ne retarde le payement de
ses tailles.

Et mon aduis est que quād
on aura fueilleté tous les li-
ures de l'antiquité, tout confi-
deré cest Estat & ceux de nos
voisins; il ne se pourra donner
conseil meilleur, que le cōseil
donné de Dieu à son peuple
par la bouche de Moyse, le pl^r
antique Legislateur, lequel
ordōna que les dismes de tou-
tes choses seroyent leuées sur
tous hommes, & qu'icelles se-
royent employées à deffrayer
tant les Sacrificateurs seruans
à l'autel; que ces hommes qui
de la tribu de Leui estoient
triez & choisis pour vaquer
aux Jugemens des procez &
diffe-

differeus du peuple.

Suiuant lequel droit & ordonnance diuine, Dauid Prophete, Roy & modelle plus beau de tous Princes & Rois; regla tout son Royaume & le dressa par l'Esprit de Dieu, pour estre, sans doute & pour y pouuoir prendre le patron plus accompli de tous Estats d'aage en aage: Et en ce faisant ordonna six mille Preuosts & Iuges, distribuez par toutes les villes du Royaume pour bien faire iustice: Ils furent choisis gens de lettres & d'estude, stilez en l'exposition de la Loy, & stipendiez des dîmes & biens Ecclesiasticks: Car ils furent pris & choisis tous de la lignée de Leui, comme

apert par le texte du 21. du 1.
des Chroniques.

Ceste portion de biens n'estoit que la disme des reuenus du peuple & neantmoins suffisoit fort bien pour sustanter honnestement tous les Sacrificateurs, ensemble tous les Iuges du Royaume. Et le bié du Clergé de France passe la moitié de toute la substance de l'Estat, & comme recite Bodin en sa Republique & dit auoir appris de Messieurs de la Chambre des Comptes, ce bien monte iusques aux sept parts les douze faisans le tout; Et comment donc le bien du Clergé seroit-il insuffisant a cela, sans qu'il puisse estre en rien greué?

Voila.

Voila de grâdes raisons qui establiſſent mō aduis : La premiere eſt, que ce cōſeil eſt tiré de l'ordonnance de Dieu, auquel ni les Subiects, ni les Princes, ni les Prelats, ne peuuent reſiſter, ne doiuent contredire: La ſeconde eſt, que de droit commun & perpetuel, ceux qui le peuuēt commodemēt, doiuent porter les charges: La troiſieme eſt, que ce bien n'eſt patrimonial a aucun; conſequemment nul ne ſe peut, ne doit pleindre quāt il en ſera pris pour le ſoulagement public, moyennāt qu'il en demeure à ſuffiſance pour fournir a l'entretienement des perſōnes Eccleſiaſticqs, pour lequel il le cōuient, ſans dou-

te, premierement distribuer
 & employer, & moyennant
 aussi que ce qu'on en prendra
 soit employé a œuures pieu-
 ses & iustes, comme pour fai-
 re Iustice; car ainsi, la chose se-
 ra tresbien dediée & rappor-
 tée à son point. La quatrié-
 me raison est presq̃ plus puif-
 sante que toutes; cest que la
 necessité vrgēte requiert que
 l'on trouue vn moyen, & il ne
 s'en trouue aucun plus louable
 & plus expedient: Ce bien est
 sorti du public; de la liberalité
 des Rois; de la Noblesse, & du
 peuple, aussi ne le veut on de-
 stiner & tourner ailleurs.

Quelque ombrageux igno-
 rant repliquera; Mais cest vn
 bien sacré, il ne conuient pas
 l'ap-

l'appliquer a œuures profanes; Mais se pourroit-il bien rencontrer des hommes si effrontez d'ainsi parler; ou des Iuges si simples & idiots que de souffrir, que faire Iustice soit appellé œuure profane; veu qu'il n'y a rien plus saint, plus sacré, plus celeste; car il est escrit, *Iusticia de cælo respexit*; & il est dit du throne de Dieu qu'il est fondé *super iusticia & iudicio*. Et les Payens mesmes l'ont ainsi reconnu, appellans les Iuges & Conseillers, *Iuris sacerdotes*, & plassant tousiours Themis à la dextre de Iupiter. Or on sçait tresbien que cest vne lourde ignorâce d'attribuer ce mot de chose sacrées aux Champs, Vignes,

Chasteaux, Bois & Prez, dont
 leui ne possedoit vn seul pou-
 ce; car mesme telle possession
 leur estoit nommement in-
 terdite; les dismes seules leur
 estant reseruées, comme sca-
 uent tous hommes qui ont
 leu Moyse.

Mais posons le cas qu'ainsi
 fut: S. Cyrille Euesque tres-
 ancien est fort loué, tant de
 S. Ambroise & autres, que par
 les Canons des Papes, (*C. aurū.
 12. q. 2.*) d'auoir employé les
 vestemens & vaisseaux sacrez
 & precieux de l'Eglise par la
 vente qu'il en fit pour subue-
 nir aux pources en temps de fa-
 mine de pain; Combien donc
 cela sera il plus louable en
 temps de famine de iustice?

l'ad-

l'adiouste que pour faire les premieres & secondes guerres ciuiles en ce Royau- me on a vendu vne fois pour cent mille escus de rente; cest a dire, pour vn million d'or de biē ecclesiastic; encores pour cinquante mille escus de rente, & vne autre fois pour autres sommes, & depuis en nos guerres dernieres le Cler- gē a trouué bon d'employer tous vaisseaux sacrez & reli- ques d'or & d'argent; (Ainsi q̄ fit Marius & Carbo, contre Sylla, cōme dit l'histoire) mais le tout avec peu de proffit & soulagement du public, par ceux-ci & par ceux-là; ç'a esté vne consommation sans bene- dictiō; En lieu qu'en ce que ie

propose, il n'y a que benediction, sans consommation : Car ie n'entend point que lon vende & aliene rien du fond Ecclesiastic, ni qu'il change de nature, ains que seulement il soit mieux ménagé, & que ce qui est prodigué & mal employé du reuenu soit cōuertí à ces saints & sacrez vsages, pitoyables & charitables ceuvres qui tournerōt plus au soulagement du Clergé, des veufues & orphelins que de nuls autres.

Encore se trouuera il quelque contredisant non fondé en raison, mais en quelque coustume & obseruation inueterée qui dira, que sans tel & tel cela ne se peut faire; Et
voila

voilà le fond du mal, ou plustost le mal de nostre fond *fundi nostri calamitas*; Cest que quoy que dès le temps du Roi Assuerus, & depuis du temps de Philippes le Bel, il ait esté tresbien & saintement ordonné que chacun seroit maistre en sa maison; on nous voudroit faire trouuer bon que l'estranger y domine. Ainsi Messieurs, quand ci-dessus la voye oblique a esté ouuerte tous y sont courus; quand la voye de droicture s'ouure, nous sommes enclouës; Mais graces à Dieu, il y a encore de bōs esprits & de bons onguēs pour guerir les enclouures & qui diront que, Chercher le regne de Dieu & sa iustice, c'est

estre bon Chrestien; Que faisant ce qu'il commande il ne faut rien craindre, puis qu'il a dit; *Confidite mihi ego vici mundum*: Que besongnant avec Dieu & sa sapience, comme Moysse, Daud & les Saints Rois, Empereurs & Prophetes; tout ira droit; d'autant q' cest la seule Sapience qui a droit de dire: C'EST DE PAR MOY QUE REGNENT LES ROIS. *Per me Principes regnant & potentes decernunt Iustitiam.*

Voire il faut bien noter que ces Rois, Prophetes, Moysse, Daud & autres successivement en payant les dismes, stipendiant d'icelles & entretenant ainsi les Iuges du bien ecclesiastique declaroient neanmoins

moins qu'ils le faisoient en
 obeissant au commandemēt
 de Dieu, protestans tout haut
 en ces mots, (*Deuter. 26.*) l'ai
 entierement osté de ma mai-
 son ce qui estoit sainct, voire
 ie n'en ai point mágé mesmes
 en mon affliction & necessité
 & n'en ay rien osté pour l'ap-
 pliquer a vsage profane, ains
 en ai fait comme tu me l'auois
 commandé; Voila, di-ie, les
 propos des saincts Rois d'Is-
 rael, qui neantmoins deffray-
 oyent six mille Iuges du bien
 qui estoit ecclesiastique, cest
 a dire, d'une portion des dis-
 mes; dont apert clerement
 la distributiō de Iustice estoit
 & doit estre tousiours tenuē
 & reputée de pareille sainte-

ré que le seruice de l'autel; sur lequel aussi on a veu faire Iustice dedans le temple quand l'occasion s'en en présentée, tesmoin Ioab, condamné & executé tenant les cornes de l'autel.

Que s'il y a d'auanture quelque Prelat faisant bonne chere & viuant a grand train, qui dic qu'il ne veut & n'entend se retrancher pour viure à l'Apoustolique avec S. Paul disant, *Victu & vestitu contenti estote.* Il lui sera respondu, qu'il se doit recônoistre membre de l'Estat & qu'en ceste qualité il est obligé de contribuer à la cōseruation d'icelui, & que s'il ne s'en reconnoist membre il n'a droict quelconque de parler.

ler en l'Estat; que s'il y veut
 parler il y trouuera q̃ les deux
 parties emporteront la tierce
 en la balance & diront que le
 Clergé allegue tousiours le
 droict Leuitique & que par-
 tant il lui cōuient souffrir que
 l'on retorque contre lui l'vsa-
 ge du droict Leuitique; Il se
 fortifie de S. Pierre & de S.
 Paul, il faut donc qu'il se con-
 forme à iceux.

Or par digression; ie diray
 qu'il seroit ici à propos de voir
 quelle proportion il y pour-
 roit auoir du Royaume de
 France, au Royaume d'Israel
 tel qu'il fut sous Dauid, qui a-
 uoit six mille Preuosts deffra-
 yez du bien Ecclesiastique;
 pour scauoir par telle propor-

tion, ce que le Royaume de France en pourroit deffrayer en employant seulement partie des dismes, ou biẽ quelque portion du reuenu du fond. Cela semble de prime face fort mal-aisé ou impossible à trouuer, mais il est tres-aisé. Car nous trouuons par le denombrement qui fut fait du peuple par loab, qu'il mũtoit à vn million sept cens nonante sept mille hommes, capables de manier l'espée, cest à dire, au dessus de vingt ans, assauoir d'Israel onze cent mille; de Iuda quatre cens septante mille; & pour Léui & Benjamin (qui ne furent nombrez) ie me contente de conter seulement & faire estat de deux

deux cens vingt mille; qui est le moindre nombre qui s'en peut & doit faire sans difficulté. Maintenant resteroit de nōbrer le peuple François, i'entend les masles au dessus dudit aage de vingt ans; & ie ne doute point qu'ils y trouueroit le nombre double de cestui-là; & que nous aurions trop grand moyen de deffrayer des Iuges & les regler au modelle prescript par la Sapience Diuine, & conuiendroit en faire le denombrement sans nombrer le Clergé: & distraire aussi d'Israël le nombre de la famille de Leui; & ie ne doute point que la France doubleroit en force d'hommes & de reuenus le pays d'Is-

rael, & se trouueroit fort suffisante a bien accomplir ce que dessus : Le Roy aussi reconnoistroit mieux tout le moyen qu'il y a.

Et parce qu'il semble que plusieurs de Messieurs les Prelats se pourront opposer, ie leur veux bien dire qu'en l'interest public il faut aduiser de faire estat de tous, & que pour vn Prelat, il se trouuera cent voire cinq cens Curez & bons Pasteurs ayans charges d'ames & plus grand nombre de Moynes, qui ne cessent de crier; les vns, que l'on retranche les superfluitez des Prelats; les autres, plaident que l'on leur fournisse portion cõgruë; Et ainsi ioignent leurs

vœus

vœus au mien, & requierent
Iustice, laquelle on ne leur
peut nullement denier.

Et parce qu'on alleguera sot-
dain qu'il y a ia quelque por-
tiō de dismes ou decimes qui
se leue & emporte de ce bien;
J'entend que le tout estāt rap-
porté à la masse, il faudra pour
voir a tout; Je ne veux dire
aussi nullement qu'il faille os-
ter à Messieurs les Prelats le
moyen de viure liberalement
& avec honneur; ni leur oster
& retrâcher le moyen d'Auf-
monner à plusieurs; car cela
leur est deu, mais seulement
faut bien regler & compasser
le tout, pour ne point laisser
perir le tout par faute de re-
gle, *non vt alius sit remissio vobis*

autem tribulatio, sed ex aequalitate.
ut in presenti tempore vestra abun-
dantia illorum inopiam suppleat.
& fiat aequalitas sicut scriptum est.
qui multum habuit non abunda-
uit & qui modicum non minorauit.
 (2. Cor. 8.) Qui est le conseil de
 S. Paul & de Moysse, deux grās
 Prelats en la maison de Dieu,
 ausquels quiconque ne se vou-
 dra soumettre, refusāt de por-
 ter la charge les vns des autres.
 selō qu'ils l'ont appris de Dieu,
 il sera dit estre bourdō en ru-
 che & membre deuōrant en
 l'Eglise de Dieu; voire il sera
 dit & maintenu hautement &
 hardiment, que cestui-là n'est
 pas homme d'Eglise qui reiet-
 te le conseil & ordonnāce de
 Moysse, Dauid & de S. Paul &
 qu'il.

qu'il sera tenu pour Payen & infidele.

Nous viuons sous vn meſme teſt; nous auons tous notable intereſt de nous oppoſer à la ruine de la maiſon cõmune; pourtant quiconque s'ẽ entremet eſt louable pour le zele qu'il a de la maiſon de Dieu, encore que ſon aduiſoit peu profitable: Que ſi ceſtui-là eſt maudit qui met, ou qui n'oſte pas l'empeschement à l'aveugle; ou qui maudit le ſourd; qui voit tomber la beſte de ſon voiſin & ne la releue; qui voit pecher ſon prochain & ne l'aduertit.

Comment ſeroi-ie incouppable de negligence & d'ingratitude, ſi connoiſſant l'herbe

conuenable & vtile à la maladie du publicie n'en donno, e aduis ? Le suis de vray Catholique, viuant Catholiquemēt; Thonore & reuere tous bons Pasteurs de l'Eglise Catholique nostre mere commune; comme nostre S. Pere l'ordōne; Et si ie pensoye offenser en vn seul point sa Saincteté, ie le racleroye de celiure, tel est mon respect, i'ay esté ainsi nourri; Et ay aussi appris en l'escole du Philosophe ceste sentence, *Amicus Plato, amicus Socrates magis tamen amica veritas*: Et ce qui m'a beaucoup confirmé en mes raisons est qu'a peine ai-ie trouué vn seul Curé, en ce Diocèse, qui n'ait loué ceste mienne pro-
posi-

position. Aussi n'est ce que la voye de iustice que ie cherche ; voire l'exaltatiō de la Iustice , & comment donc auroi ie subiect de douter & de craindre qu'en cherchant Iustice, il me puisse arriuer aucune disgrace , veu la leçon que j'ai ordinairement ouy chanter es Vespres, *In memoria aeterna erit Iustus ab auditione mala non timebit?*

Mais comment aussi vn conseil si sainct & salutaire à toute la France seroit il reprouué, veu mesmes que les dismes q̃ l'on dit communément dependre du droict Leuitique, ont souuent esté employées aux necessitez de l'Estat : La disme Saladin du tēps de Phi-

Hppe Auguste cōtre les Turcs;
 Les dismes leuées par Charles
 Martel & employées contre
 les Sarrazins par lui descōfits
 par centaines de milliers tres-
 heureusement: Les mesmes
 dismes aussi employées par au-
 tres Rois de France, tantost
 pour restablir les Monnoyes
 affoiblies; tantost pour autres
 necessitez publiques: La ne-
 cessité apprend beaucoup de
 choses belles & bōnes; & cest
 icelle mesme qui est appellée,
 la Mere des Arts: Et voici
 vn remede qui se presente à
 nostre pource Frâce, en la tres-
 grande & tres-urgente neces-
 sité; remede sainct & salutaire;
 remede puisé & pris du liure
 de vie; du thresor de Sapiēce;
 du ca-

du cabinet de liberté: & par
 consequent digne de parler
 aux Rois & Princes, & à vous
 doctes Senateurs, qui deuo-
 rez en silence ce mauuais tēps
 & gemissans sous trop de silē-
 ce, dites en vos cœurs avec ce
 riche Sénateur Romain; *Li-
 berate nos ex ista seruitute*; sans
 prendre de vous mesme le
 courage de liberté. Et cest
 à vous, Messieurs, que j'adres-
 se ma parole; car ce ne sera pas
 le vulgue qui mettra la main
 aux affaires, attendu ce qu'en
 dit Cæsar [*plebs in publico nihil
 audet & pene seruorum habetur
 loco.*]. Vous faites partie de
 ceux desquels se peut dire à-
 bon-droit, Qu'ils sont la lu-
 miere du monde; Le sel de la

terre : Ne perdez vostre fa-
 veur ; Ne perdez vostre clar-
 té : Vous ne pouuez estre ca-
 chez ; Chacun du peuple a les
 yeux fichez sur vous , & attēd
 que vous parliez : Et pour ce-
 la aussi estes vous montés au
 rang que vous tenez : Pour-
 quoy voyans tout descouvert
 le chemin de vie, de sapience,
 de liberté ; ne diriez vous pas,
 avec les bons & vertueux ces-
 te parole de l'antiquité, *Salus*
populi suprema lex esto . Je n'en-
 tēd pas ici parler à ceux (*qui-*
bns bos in lingua) & qui prenant
 part au gasteau , n'en veulent
 rien quitter , tout deut-il ver-
 ser , & ne veulēt rien commu-
 niquer au poure necessiteus
 nauré , abandonné sur le che-
 min,

min; aimans mieux faire les a-
ueugles, avec le Sacrificateur
& Leuite, que lui apporter
l'huile de secours avec le Sa-
maritain.

Je parle aux vertueux de
vostre corps, & il y en a, graces
à Dieu, grand nombre tou-
jours prests, non seulement
de communiquer ce qu'ils
possèdent de l'Ecclesiastique,
mais aussi de leur propre plus-
tost que de voir la France leur
mere abandonnée en ceste
perplexité. Vous direz, sans
doute, que ce conseil est pieus
& salutaire, mais qu'il en con-
vient faire quelque reglemēt
general; Et cest ce qu'on at-
tend de vostre sapience & li-
berté: Mais elle ne paroistra

pas, voire elle sera manquée & defectueuse, si elle ne se fait ouyr par paroles de liberté & en public. La France attend cela de vostre corps; de ce grand & premier Parlement: Nous sommes en vn siecle, graces à Dieu, auquel la vertu se peut faire ouyr; il en vſe qui veut. Et auons vn Roy grand amateur de son peuple, qui ne rebutera point vn conseil salutaire & autant vtile que hōneſte; apportant benediction à tout le peuple, qui auſſi toſt y applaudira vniuerſellement,

Et voila cōment nous monterons en fin au feſte de ce diuin baſtimēt, aſſis ſur ſes deux beaux pilliers de Pieté & Juſtice, represētez par les deux belles

belles colonnes du Temple Salomonique, mystiquement couronnées de fleurs-de-lis & nommées de vigueur & de force Iakin & Bohaz; parce que hors la Pieté & la Iustice, il n'y a point de vigueur & de force en Estat quelconque. Et cest applaudissement sera grandement honorable à ces bons & vertueux Prelats, qui auront soudain approuué ce bon conseil; & à ceux-là n'appartien-dront plus les reproches, cris & increpations de nos doctes & sages Predicateurs, qui taxent sans cesse les cumulatiōs de prebendes & benefices; les superfluitez, luxes & bombāces du Clergé, avec S. Bernardi & autres, des sont cinq cens;

ans & plus, leur disant; Viuez
à l'Apostolique, c'est vostre
bien & honneur, vous le pou-
uez, faites le sans repliche.

Seroit-il bien ainsi, q̄ moins
de zele de iustice; moins de té-
perance se trouuast en nous
qu'és Payens de iadis; moins
de sens en la Republique Ca-
tholique, Apostolique, Ro-
maine, qu'en la Republique
Populaire, Consulaire ou Cē-
sarienne Romaine? Or cel-
le-ci aima mieux venir à la di-
uision des champs, *ad leges a-*
grarias, q̄ de voir quelque op-
pression & violence publique
offensant la Iustice & la Paix
del'Estat.

Je laisse a penser d'abondant
combien ce sera chose sainte
& ho-

& honorable à Messieurs du
Clergé, de pouuoir dire à no-
stre Seigneur Iesus, avec les
Apostres; Voila Seigneur no-
uons tout quitté ou partie
du tout & t'auons suiui; Tu
nous as commandé de reue-
rer nos Magistrats; d'honorer
le Roy: Et voici afin que no-
stre Roy moissonne en nostre
aage ce grand honneur d'a-
uoir abatu l'iniustice à ces
pieds, cōme la guerre; Nous
l'auōs aidé de partie des fruits
de nos possessions; apres auoir
esté faits sages par ta Parole,
qui seule aprend sagesse; car il
est escrit, *Iuxta eloquium tuum*
da mihi intellectum.

Et vous, Messieurs, du corps
de ce grand Senat; Fortifiez

ce mien propos ; car vous sçavez que Theodose saint & Chrestien Empereur a dit que, Ce n'est pas l'argent, ni l'ambitiō, mais la preud'homme qui doit pousser les hommes aux charges & dignitez: Comme Iustinian autre bon Empereur disoit. (no. 8.) que; L'amas d'argent qui se fait de la venalite des Offices, est la source de tous maux & le cōble de toutes meschancetez; *pecunias ex officiis corradere est omnium malorum causa omniumq; flagitiorum principium & fons.* Dont faut inferer que ainsi nous avons atteint au cōble de malheur, & qu'il en faut sortir, pour r'entrer au beau chemin d'honneur, de vertu & de feli-

félicité. Or Dieu doit à
 nostre bon Roy & à son Con-
 seil, ceste sainte resolution; &
 encore de faire ce decret per-
 petuel & irreuocable; assauoir
 que; Celui qui parlera onques
 de rammener vne telle las-
 cheté & turpitude en l'Estat,
 sera execrable à iamais; que
 de sa maison sera faite vne
 voirie, & de la ruine d'icelle
 sera pris le bois, auquel attri-
 ché il terminera sa vie exem-
 plaire à tous.

Et ie l'espere ainsi, car les
 gens de bien ny contredisent;
 le general y applaudit, & nul
 n'en reçoit detrimēt: Et nous
 voyons en ce resultat vn grād
 bien, grand accroissement
 d'honneur à ceste Couronne,

qui en sera respectée, louangée par tout l'vniuers; Et à laquelle les Prouinces près & loin se viendront adioindre, allier ou soumettre à la file; quand elles verront vn si bel ordre de Droicteure & Iustice establi en tout son pourpris; *fundamentum enim cōmendationis & fama est Iusticia*, disoit vn Orateur Payen; Et Moysé qui vaut mieux q̃ lui, predit, promet & nous parle ainsi; Gardez & faites Iustice, car cest vostre sagesse & intelligence deuant tous peuples, lesquels en oyant ces ordonnances diront, Ceste nation seule est vn peuple sage & entédu, *Deut. 4.*

Alors sera le Throne de Iustice resplandissant comme la lumie

lumiere, & non plus contem-
ptible & aillé par ce salaire
déguisé du nom d'espices, qui
n'est pas éloigné beaucoup de
ce qu'on appelle *anctoramen-
tum seruitutis*, marque indigne
de ceux qui sont illec appel-
lez Dieux: *Dixi equidem dii estis*;
& souuent ailleurs.

Et quoy? Faudroit-il q̃ sous
le Sceptre d'un Roy si debon-
naire; En vn siecle si fertile de
bons esprits; D'un Parlement
de telle integrité que ie vous
voy & connoy par experien-
ce (ie parle de la plus grand
part en parlât de tous) le mal
eut tant de force, que de pou-
voir rembarrer ce bon-heur
que ie propose & procure à
ma patrie, avec si grande fa-
cilité?

Quoy? Voudriez vous en
 fin voir q le Roy nostre Cyre,
 par importunité de plaintes
 de defauts de Iustice, fut con-
 traint de faire comme le grād
 Cyrus; qui cassa & renuersa
 les Parquets & Sieges de Iu-
 dicature; Et renuoya toutes
 causes & differens par deuant
 les Arbitres: dont les parties
 seroyent contrains de con-
 uenir; & que pour adresse des
 conuentions y eut vn Arbi-
 trateur des differens, créé par
 les voix du peuple & par les
 voyes & moyens que i'ay cot-
 tez ci-dessus? Et il est certain
 qu'il le vaudroit mieux faire,
 que d'acheter plus la Iustice
 au poids du diamant, & le pa-
 pier d'icelle au poids de l'or;
 dont

dont ie ne ſçay commēt le pa-
 pier meſme ne rougit de hon-
 te: Veu qu'il ſe peut trouuer
 vn beau moyen de rembour-
 ſement à ceux auſquels les
 Greſſes ſont hypotequés par
 le mal-heur de nos longues
 guerres; que l'eſprit d'erreur,
 de ſang & de meurtre nous a
 ſuſcitez. Or comme le cli-
 quetis des armes a empesché
 tels beaux deſſeins, reprenez
 vos eſprits pour interceder
 plus que iamais virilement &
 oſter du milieu de nous ceſte
 gangrene de vente d'Offices;
 commençant par les Baillia-
 ges & Preuoſtés; car la mode-
 ſtie a tenu plus ferme piedés
 Cours Souueraines qui mar-
 chent plus religieusement, &

neantmoins le mesme y fera
aisé par apres; i'en voy vn
moyen tout ouuert & tout fa-
cile, que ie diray ailleurs.

Ainsi le Roy puisse ressem-
bler à Dieu, qui dōne sa pluye
au Laboureur sans argent, &
faire distiller, comme il doit,
gratuitemēt la Iustice sur to⁹,
comme la rosée sur l'herbe, a-
uec admiration de tous: Et
pleust à Dieu, que pour der-
nier honneur de ceux que i'ai
receus abondammēt de vous,
Messieurs, ie puisse moisson-
ner ce contentement en mon
ame, d'entendre que ce mien
conseil soit approuué à sa Ma-
iesté de par vous, sans que
pour ce coup ie soye connu
de vous. Qu'ainsi soit benit
nostre

nostre bon Roy, & que s'il a
 vn seul heritier, comme Abra-
 ham, il feisonne comme Isaac
 & Iacob, & q̄ son empire cou-
 ure l'Europe; voire toute l'A-
 sie; comme cette vigne qui fi-
 gura Cyrus : En lieu que les
 quatre puissans fils de Henry
 second sont morts sans bene-
 diction de semēce & p̄ morts
 estranges: Et Dieu vueille lui
 continuer ainsi ses faueurs:
 Que son ame, comme celle
 de Daud, soit liée au faisseau
 de vie de par l'Eternel; Com-
 me elle à esté iusques ici, con-
 tre les glaiues parricides des
 hommes enforcelez du ha-
 nap furieux de l'immōde Cir-
 ce : Et pour parcourir cette
 felicité, Dieu lui accroisse le

zele de son Temple & de la
Iustice, comme il fit à Cyrus.
Car il conuient noter que ce
Cyrus, grand Zelateur de Iu-
stice; est cil qui fut espris du
zele de restablir le temple de
Dieu & la pieté en Ierusalem,
(honneur nompareil) & ce-
lui duquel le nom mesme &
l'empire auoit esté preueu &
predit par Ilsaie c. 45 ou il l'ap-
pella Cyre & l'Oinct du Sei-
gneur, long tēps auant sa nais-
sance; & il fut grād Empereur
& le plus belliqueux Prince
de sō siecle & le pl⁹ vertueux.

Que si donc le Roy nostre
Cyre, conioinct de mesme ce
grand zele de la Iustice & de
la Pieté à ces grands exploits
d'armes, qui l'ōt fait qualifier
& re-

& reconnoistre le maistre de
 la Milice en la Chrestienté;
 Que lui restera-il plus pour é-
 galer Cyrus de tout point, si-
 non qu'il se reuète aussi des
 noms & qualités que lui bail-
 le Esaie; & qu'ainsi il soit ap-
 pellé & Cyrus & l'Oinct du
 Seigneur? Mais il les a de droit
 pareil; Dieu les lui a donnez, il
 en est possesseur paisible par
 ses ancestres (son appellation
 est Cyre; son nom est, Le Roy
 Tres- Chrestié, il y a mille ans
 & plus) & Roy Tres- Chres-
 tien n'est autre chose que
 l'Oinct du Seigneur: Tous les
 doctes sçauēt que ie parle sans
 flatterie; & que cest en lui vne
 marque de fait permanent.
 Rien de si grand & haut n'ar-

riue fortuitement au monde,
 sinon au iugement lourdant
 de l'ignorance : Le doigt de
 Dieu domine egaleme[n]t en
 toutes choses, combien plus
 donc en si grands Estats. C'est
 de la Prouidēce de Dieu que
 les noms de Cyre & de Roy
 Tres-Chrestien, ou Oinct de
 Dieu, sont escheus aux Rois
 de France, pour la signalée
 faueur de quelqu'un d'entre
 iceux restaurateur special, a-
 uec la banniere de fleur-de-
 lys, qualifiée en l'Escripture, la
 fleur du choisis de Dieu, (*Esdr.*
4.6.5.) & seule employée de fa-
 ueur singuliere au Tēple de
 Dieu, cōme se voit au 1. Rois
 ch. 7. en ce grand vaisseau qui
 au temple de Salomon estoit
 porté

porté par douze Vaches ou
bœufs & lequel auoit sō bord
semé de fleurs de-lys, & és
deux colonnes du tēple cou-
ronnées aussi de fleurs de lys:
Et si ie disoye que d'abondāt
à present la banniere des Va-
ches s'est venuë ioindre à cel-
le des fleurs de lys; on diroit
que mes speculations passe-
royent bien auant; Mais lors
se verra le poids de mes pro-
pos quand la restauration de
Iustice s'épandra largement
par l'entremise de S. M. & par
la propagation que l'attēd d'i-
celle sous Mons^r. le Dauphin;
ne pouuāt augurer petite cho-
se de ce grand tremblemēt de
terre qui, à l'heure de sa nais-
sance, s'est fait sentir par l'A-

l'Allemagne, la Hongrie, la Thra-
 ce, l'Illyrie, la Grece & l'Asie;
 cōme l'histoire qui en est im-
 primée de là le Rhin, le testi-
 fie: Que si on dit q̄ l'ambition
 que i'ai de le voir succederaux
 vertus heroiques du Pere, me
 trāsporte, afin qu'il soit le Cy-
 re de nostre siecle d'or, qui sē-
 ble deuoir estre benit, hono-
 ré & réjouy de l'heureux, écla-
 tant & glorieux retour du Fils
 eternal de Dieu, l'Oinct des
 Oincts, le Roy des Rois. le Sei-
 gneur des Seigneurs; Il ne m'é-
 chaut, mais que lon pese bien
 mes raisons, & que lon ne die
 rien a lencontre par temerité
 & que lon croye que, comme
 ie ne touchay iamais vn de-
 nier de largente pour ainsi par-
 ler;

ler; ainsi n'ai ie rien dit ici, que ce que i'ai estimé estre de verité, de droicture, iustice & de l'vtilité publique, & encore sans offense & Lésion du droit d'aucun particulier.

Or il m'est aduis que ie voy desia plusieurs venir ici ioin- dre leur vœus au miē, quittās leurs interets pretēdu & imaginaire, pour embrasser le biē & salut public; Je voy consequemment la moitié des Advocats & Procureurs, chāger leurs plumes & caniuets en coutres & charrues; Je voy deux tiers des Sergens descō- fits, destituez de mere Chicā- nerie, qui bannie & mise hors par le pont de ville-franche, regaigne Auignon, dont elle

partir premieremēt, pour faire si grāde bresche en ce puissant Estat: Je voy reuisiter & honorer l'Agriculture, par les sages & preux, à la mode antique avec grāde allegresse. Je voy retourner l'hōneur de silence & de paix es Parquers, sans crier, Silence, sans crier, Paix-là: Car les Iuges ne voudront plus voir d'ordinaire tāt d'appointemens iteratifs, à escrire, à mettre, à contredire, à sauuer, à produire, à informer, à faire veuë de lieu; la simplicité reprendra son regne cōme au siecle d'or: Chicannerie sera huée de toutes parts. Les sages, doctes Advocats & les bons Procureurs auront seuls la vogue & l'honneur.

neur de cōsulter, plaider, procurer, approcher & assister les Iuges venerables., choisis & membrez de telle paste que dit est, & en memoire des merites de nostre bon Roy castigateur tel de Chicannerie cōme de Bellone sera faite vne monnoye d'or, portant ces mots, *liberata. Iusticia*, avec les effigies de lui & de la Iustice, ou avec ces deux mots Francois, IUSTICE. AFFRANCHIE, sous Henry 4. auquel Dieu doint redoublement d'honneur & de ioye, avec les ans de Nestor, & à Monf. le Dauphin pareille prosperité. Amē.

Du liure de la Sapience, ch 6.

OR donques, Rois, escoutez & entendez, vous Iuges des bouts de la terre
 ay prenez, prestez l'oreille vous qui gou-
 uenez les peuples: & qui vous glorifiez
 de la multitude de des nations. Car puis-
 ce voes est donnée, de par le Seigneur &
 principauté par le Souuerain: Lequel fe-
 ra enqueste de vostre vie & ondera vos pé-
 sées: Pource que estans ministres de son
 Royaume, vous n'avez Iugé droitement,
 ne gardé la Ley, & n'avez point cheminé
 suivant la volonté de Dieu. Il vous appa-
 roistia avec horreur & bien tost: Car iu-
 gement rigoureux sera fait de ceux qui s'ont
 par dessus les autres. Le Seigneur de tout
 n'espaignera personne & ne craindra la
 grandeur d'aucun: Car il a fait le petit &
 le grand & a également loin de tous mais
 aux plus forts est appareillée la plus forte
 enqueste, C'est donc a vous, ô Rois, que ie
 parle, afin que vous appreniez la sience &
 ne bronchiez point, &c.

F. N.

*L'Auteur attend aujourdhuy la
 Replique du Chicaneur & du Mat-
 content pour repartir demain.*